



Jens NapatôK  
Inatsisartunut Ilaasortaq, Partii Naleraq

**§ 37 naapertorlugu apeqqutinut akissutit - 61/2020 oqaluffiit  
nutarterneqarnissaannut tunngasut**

02-04-2020  
Suliap nr.  
All. nr: 10941081

Postboks 1029  
3900 Nuuk  
Oqarasuaat +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Jens Napâtôk

Inatsisartut suleriaasissaat malillugu apeqqutigisimasannut qujanaq. Kinguliini akissuteqarfigissavakka.

**Apeqqut 1:** *Saqqami ilulissat eqqaani oqaluffiup iluarsaannissaanut pilersaaruteqartoqarpa?*

**Akissut:** Apeqqummut 2-mut akissut takuuk, tassa apeqqut 1-i aamma 2 ataatsimoortumik akineqassammata.

**Apeqqut 2:** *Qanga kingullermik saqqami oqaluffik aserfallatsaalineqarpa qangalu nutarterneqarpa?*

**Akissut:** Pujoorfiup sanaqqinneqarnissaanut, kissarsuutip taarserneqarnissaanut, illup silataata nutarternissaanut qalipaanssamullu tunngatillugu, sanaartugassanik suliaassinneqartartunut isumaqatigiissusiortoqarnikuuvoq. Aserfallatsaaliinissap aallartinnissaa sioqqullugu sumiiffimmi silap kiannerulernissaa utaqqimaarneqarpoq. Oqaluffik qanga kingullermik aserfallatsaalineqarsimanersoq / nutarteriffiqineqarsimanersoq nalunaarsugaatigineqanngilaq.

**Apeqqut 3:** *Kalaallit Nunuatta sineriaani oqaluffiit aserfallattaaliorneqarnmissaat pillugit pilersaarusiamik peqartoqarpa? Aammalu nutarterinissamat pilersaaruteqarpa taamatullu aningaasaliissutinik naapertuuttunik aningaasaliisoqalersaarpa?*

**Akissut:** Naalakkersuinikkut 2019-imi kissaatigineqarpoq, aserfallatsaaliuineq eqqarsaatigalugu oqaluffiit eqqumaffiqineqarnerusariaqartut. Kissaat taanna 2020-mi nangeqqinneqarpoq.

Nunatsinni oqaluffiit qanoq issusiinik nalunaarsuineq 2017-imeersoq tunngavigalugu oqaluffiit aserfallatsaaliornertat ingerlanneqassaaq. Aserfallatsaaliuinerup kingorna oqaluffiit ataasiakkaat ingerlaavartumik aserfallatsaaliortarnissaannut pilersaarummik suliaqartoqassaaq.

Qanoq issusiinik nalunaarsuineq aallaavigalugu siunertamut atugassiissutaasimasunit aningaasat amerlanerusut aserfallatsaaliuinermit pisariaqartinneqartut Naalackersuisut oqaatigisinnaavaat. Oqaluffinnik aserfallatsaaliuinermit nutarterinermullu aningaasat, Konto pingaarnermi 20.30.10-mi inissinneqarnikuupput. Konto pingaarneq ASA-miit isumagineqarpoq tassungalu ilaapput Nuummi Namminersorlutik Oqartussat allaffeqarfiinik aserfallatsaaliuinermit nutarterinermullu kiisalu Ilinniartitaanermit, Kultureqarnermit Ilageeqarnermullu Naalackersuisoqarfiup ataani illuutitut aningaasaliissutit.

Oqaluffinnik ataasiakkaanik aserfallatsaaliuinissat nutarterinissallu piviusunngortinnissaannut atatillugu aamma neqeroortoqarnissaa kiisalu aningaasaqarnikkut illersorneqarsinnaasumik inissisimanissaat aallaaviulluinnassaaq.

Naggasiullugu Naalackersuisut ilisimatitsissutigisinnaavaat ukioq manna aserfallatsaaliuinissamut pilersaarutigineqarmata tulluuttut:

- Suliassanut atatillugu ASA neqeroortinik tigusaqarsimanersoq aallaavigalugu nunatta kujataani oqaluffinnik aserfallatsaaliuineq.
- Ittoqqoortoormiini oqaluffik siorna iluarsaanneqarpoq iluatungaalu aserfallatsaalineqarluni taamaalillunilu atoqqinneqarsinnaalerluni. Ukioq manna silataata silamut illersuutai aserfallatsaalineqassapput. Tamatuma saniatigut allaffik aserfallatsaaliorneqassaaq taamaalilluni atorneqaqqissinnaalissalluni.
- Qeqertarsuatsiaat oqaluffiannik aserfallatsaaliuinissamik suliaqarnissamut neqeroortitsineq ingerlanneqarnikuuvoq. Neqeroorummik tigusaqartoqanngimmat, sanaartugassanik suliassinneqartartunik arlalinnik oqaloqatiginninnerit aallartinneqarnikuupput matumani suliassamut neqeroorummik saqqummiussisoqarnissaa naatsorsuutigalugu.
- Ilulissani Zion-ip oqaluffiata ilua siorna aserfallatsaalineqarpoq. Illup silataa ukioq manna aserfallatsaaliorneqassaaq, matumani sumiiffimmi sanaartugassanik suliassinneqartartut tassunga piffissamik atuisinnaassappata.
- Qeqertarsuarmi oqaluffik, 2019-imi neqeroortitsinermi kingullermi suliassamut neqeroorummik takkuttoqarnikuunngimmat, neqeroorusiortitsisoqaqqissaaq.
- Sisimiut oqaluffiata silataanik aserfallatsaaliuinissaaq ukioq manna neqeroorusiortitsiffigineqassaaq.
- Attumi oqaluffik ukioq manna aserfallatsaalineqassaaq.

Inussiarnersumik Inuulluaqqusillunga

  
Ane Lone Bagger